

## I hob bschdäld

Text und Musik Roland Breinbauer

Ich bin im Rüstungsgschäft ä diggä Fiisch  
ä Droghändler, lech dei Geld am Diisch.  
Chemiewaffm, Crystal Speed  
vo mir gräichst alles „every thing you need“.  
Iich hob am Bahnhof zwanzich Mädla laufm,  
däi bringer Kohle, ich will mä a S Klasse kaufm. Hä Hää

I hob än Audi bschdäld, i hob mein Urlaub buchd  
iPhone kaft und mein Chef verfluchd.  
Iich hob mä än Daimler bschdäld, i hob mein Urlaub buchd,  
iPad kaft die ganze Welt verfluchd.

Ball bin i Vurstand, oder Abteilungsleiter,  
i kumm scho naaf af dä Karriereleiter.  
Verteil vill Druck, lass alle hindä mir,  
dou ohm gibt's Kohle und ballt kät däi mir.  
I mou mein Luxus doch finanziern  
dou bleib i hart, dou mäin die andän verliern. Hä Hää

I hob än Audi bschdäld, i hob mein Urlaub buchd,  
iPhone kaft und mein Chef verfluchd.  
Iich hob mä än Daimlä bschdäld, i hob mein Urlaub buchd,  
iPad kaft die ganze Welt verfluchd.

Öl und Benzin kostn ä haafm Geld,  
ich brauch des alles, will wos sehng vu der Welt  
Bin charmant, wickl alle um an Finger,  
bin blouß mit Leit zamm, däi mi weiterbringer.  
Mach Überstundn, bin kaum zu Haus,  
ich will nach ohm, dou bagg i die Ellnbogn aus. Hä Hää

I hob än Audi bschdäld, i hob mein Urlaub buchd,  
iPhone kaft und mein Chef verfluchd.  
Iich hob mä än Daimlä bschdäld, i hob mein Urlaub buchd,  
iPad kaft die ganze Welt verfluchd.

I hob än Audi bschdäld, i hob mein Urlaub buchd,  
iPhone kaft und mein Chef verfluchd.  
Iich hob mä än Daimlä bschdäld, i hob ä Kreuzfahrd buchd,  
iPad kaft die ganze Welt verfluchd.